



**Ivsti Baronii Veteracastrensis SS. Th. Et I. V. D.
III[ustrissi]mo Arch[iepisco]po Moguntino à Consilijs.
Epistolarvm Sacrarvm Ad Pontificem Max. Et Amplissimos
Cardinales &c. Libri VI**

Baronius, Justus

Mogvntiae, 1605

Epistola I. Clemens Papa VIII. Ivsto Baronio Veteracanstensi. Dilecte Fili,
Salutem & Apostolicam benedictionem.

[urn:nbn:de:hbz:466:1-70614](#)



IVSTI BARONII
VETERACASTRENSIS
EPISTOLARVM SA-
CRARVM
LIBER IV.

EPISTOLA I.

CLEMENS PAPA VIII.
IVSTO BARONIO VETERA-
canstrensi.

*Dilecte Fili, Salutem & Apostolicam
benedictionem.*

IE GIMVS non mediocri
cum voluptate litteras
tuas, superiori Decem-
bri mente ad nos Mo-
guntia datas, quibus te salutem & in-
columem ad tuos ex urbe perueni-
se scribis. ^a Benedictus Deus, ^b dines in
misericordia, qui ^c Angelum suum, fi-
delem comitem tecum misit, qui te
felici itinere huc duxit, & illuc re-
duxit. Illud autem gaudemns, quod
te a-

^a Ephes 1.3.

^b Eph. 2.4.

^c Tobia 5.

15.

te adeò lætari animaduertimus,
 quod *Romam* videris, arcem fidei,
 domicilium religionis, ciuitatem
 Sanctam, quam beatissimi Aposto-
 lorum Principes, Petrus & Paulus suo
 glorioſo martyrio Deo consecrarūt,
 & cui *terram doctrinam cum sanguine*
 tradiderunt, quorum tu sacra limi-
 na pie veneratus es, illius gloriam a-
 gnoscens, qui *mirabilis est in Sanctis su-*
is, & qui ad virtutem & victoriā crū-
cis indicandam, ad sepulchra piſca-
torum, & pellionum, Regum coro-
nas feliciter & magno eorum bono
prostrauit. Dele&tati sumus hac tua le-
titia, & quod iure optimo Deo gra-
tias agis, quod eius dono has anti-
quissimas, & religiosissimas Basilicas
obieris, & deuotè visitaueris, in qui-
bis tot millia fortissimorum Chri-
sti Martyrum requieſeuut, qui fidei
Catholicæ veritatem, quam acce-
perant, vitæ & sanguinis sui profusi-
one comprobataꝝ, nobis tradide-
runt. Propterea autem delectamur,

d Tertull.
de Prescrip.
cap. 36.

e Psal. 67.
36.

V 4 quia

quia ex his, quę scribis, per̄spicimus,
 te vberem fructum ex Romana pe-
 regrinatione cepisse, & spiritum pi-
 etatis per Dei gratiam ex his sacris
 locis copiosius hausisse, qui pię &
 prudenter non tā urbis magnificen-
 tiā, & antiquitatis memoriāquā Dei
 prouidentiā & potentiā admiratus
 es, qui per Sanctam crucem suam
 mundū redemit, & vicit, & ^fper infir-
 ma quę elegit, fortia prostravit, & confu-
 dit. Nam quod pię etiam comme-
 moras, te ea recordatione gaudere,
 quod de manibus nostris diuina Sa-
 crosańtę Eucharistię alimonia refed'
 sis, & à nobis ēt in Lateranensi nostra
 Basilica salutari Confirmationis Sacra-
 mento, & signaculo fidei obsignatus
^gI. Cor. 4. 1. fueris, nos quidem indignissimi ^sdi-
 spensatores sumus mysteriorum Dei, sed
 tamen gaudium tuum gaudemus,
 propter salutem animę tuę, qui una
 es ex omnibus nostris, nobis à Deo cō-
 missis, & quia in te ^h diuitias bonitatis
^{i. i. Pet. 2. 9.} Dei admiramur, qui te ⁱex tenebris e-
 duxit

duxit in admirabile lumen suum, sic age
fili, conserua domum Dei, & ne eru-
bescas crucem Christi, qua in fronte
per manus nostras consignatus &
confirmatus es, sed narra omnibus,
^k quanta fecerit tibi Deus, qui potens est. ^k Lue. 1. 49.

At illud quidem nihil necesse erat
te scribere, aut nobis gratias agere,
quod te libenter viderimus, & ali-
quam amoris nostri significationē
erga te & tuos adhibuerimus, certè
valde ex animo id egimus, quia te a-
mamus, & gerimus in visceribus Ie-
su Christi, vna cum liberis tuis, quos
à te Catholicè & piè educari, ut scri-
bis, pergratum nobis est, illosq; pa-
terne benedicimus. Sed illud periu-
cundum, quod narras, te à Venera-
bili fratre nostro Archiepiscopo & Ele-
ctore Moguntino inter consiliarios &
Assessores Consistorii sui tam beni-
gnè allectum & adnumeratum esse,
quo nomine insignem Antistitem
plurimum in Domino laudamus, e-
iusq; erga te beneficentiam nobis

V. s. gra-

312 IVSTI BARONII VETER.

gratissimam fuisse & esse testamer.
Ne dubites fili,¹ Dominus solicitus est
tui, nec^m iustum seruum suum derelin-
quet. Ipsum oramus, ut te sua cœlesti
gratia semper tueatur, & nos tibi A-
postolicam nostram benedictionē
amanter impartimur. Datum Ro-
mæ apud Sanctum Petrum sub an-
nulo Piscatoris, die XXIII. Ianuar.
M. DCIII. Pontificatus nostri An-
no vnde^mimo.

Silvius Antonianus Card.

EPISTOLA II.

CINTHIVS ALDOBRANDI-
nus S. R. E. Cardina-
lis

IVSTO BARONIO VETERA-
castrensi S.

Ornatissime Domine.

GRATVLOR te ad tuos rediisse incolu-
mem, quod ex tuis litteris gratum fu-
it cognoscere. Lætum etiam illud, quod te

ad eo